

Saopćenje za javnost

Poziv malim i srednjim preduzećima u Bosni i Hercegovini: Aplikirajte za besplatnu Savjetodavnu podršku poslovnom upravljanju i iskoristite stručno i prilagođeno poslovno savjetovanje za podsticanje poslovnog rasta i razvoja preduzeća

Svjetska banka (WBG), u saradnji sa Švedskom agencijom za međunarodni razvoj i saradnju (Sida) i uz implementaciju konsultantske kuće Deloitte, finansira projekt Savjetodavna podrška poslovnom upravljanju.

SARAJEVO, 19. decembar 2018. godine – U okviru projekta Savjetodavna podrška poslovnom upravljanju u Bosni i Hercegovini, preduzećima se nudi besplatno i prilagođeno poslovno savjetovanje za podsticanje uspješnog poslovanja preduzeća, te stvaranja novih radnih mjesta. [Ispunjavanjem prijavnog obrasca za učešće](#) na projektu Savjetodavne podrške poslovnom upravljanju, dobivate priliku da Vaše preduzeće bude odabrano za intenzivnu stručnu podršku u kreiranju prilagođenih strategija za rast i razvoj poslovanja.

Bitno je naglasiti da su mala i srednja preduzeća jedan od najvažnijih faktora sveobuhvatnog privrednog rasta, koja u Bosni i Hercegovini generiraju preko 60% ukupne zaposlenosti i preko 60% BDP-a. S ciljem podsticanja rasta i razvoja poslovnih subjekata projekt će omogućiti podršku priznatih Deloitte eksperata u kreiranju ciljanih rješenja za stvarne izazove sa kojima se susreću mala i srednja preduzeća u Bosni i Hercegovini.

Kako učešće može unaprijediti poslovanje preduzeća?

Učešće na projektu osigurava besplatnu poslovnu podršku lokalnih i regionalnih Deloitte eksperata, te uključuje podršku u sljedećim oblastima poslovanja:

- analiza ključnih poslovnih funkcija (razvoj proizvoda, proizvodnje, prodaje i marketinga, upravljanja ljudskim resursima i dr.) i identifikacija prilika za unapređenje poslovnih procesa;
- identifikiranje jedinstvenih mjera za unapređenje poslovanja,
- pružanje podrške prilikom implementacije identificiranih mjera, kao i podršku za strateško upravljanje, planiranje, finansije i računovodstvo, zaštite okoliša, te drugih oblasti.

Podrška projekta je usmjerena prema preduzećima koja zadovoljavaju ispod navedene kriterije:

- imaju sjedište u široj regiji gradova Sarajeva, Banja Luke ili Mostara,
- imaju najmanje 10, a najviše 100 zaposlenika,
- da su u 100% privatnom vlasništvu,
- da su finansijski odgovorni u smislu uredne uplate poreza, doprinosa i drugih obaveza,
- da imaju stabilno i uspješno poslovanje, finansije i reputaciju, i
- da posluju najmanje 3 godine.

Ovaj poziv nije pogodan za sljedeća preduzeća koja su:

- registrovana kao samostalna djelatnost ili obrti,
- preduzeća u državnom/javnom vlasništvu,
- finansijske institucije,
- registrovana za obavljanje sljedećih djelatnosti: kockanja, lutrije i igara na sreću, proizvodnja i trgovina oružjem, proizvodnje duhana i duhanskih proizvoda,
- na listi isključenja IFC-a (International Finance Corporation),
- trenutno primaju sličnu podršku drugih donatora.

Očekivano trajanje projekta je 9 mjeseci, za vrijeme kojeg se očekuje aktivna saradnja izabраниh preduzeća radi uspješnog ispunjenja ciljeva podrške.

Kako se zainteresovana preduzeća mogu prijaviti?

Ukoliko ste zainteresovani za navedenu besplatnu konsultantsku podršku i zadovoljavate gore navedene kriterije ili su Vam potrebne dodatne informacije:

- kontaktirajte nas putem e-maila CEBAPrijava@deloitte.com kako biste izrazili svoj interes, te dobili prijavni obrazac za popunjavanje i upute za prijavu, ili
- posjetite našu web stranicu www.deloitte.com/ba kako biste preuzeli prijavni obrazac, te isti popunili i dostavili prema definiranim uputama.

Rok za prijavu je 31. januar 2019. godine.

U zavisnosti od broja primljenih prijava kao i finansijskih ograničenja projekta, preduzeća će biti rangirana u skladu sa projektnim ciljevima i kontaktirana.